

Upravni odbor JU „Gradski dječiji vrtić“ Zavidovići na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (Sl. Novine FBiH broj 12/03 i 34/03), na osnovu člana 40. Zakona o predškolskom odgoju i obrazovanju ZDK (Sl. Novine ZDK broj 7/10)., člana 53., 54. i 55. Pravila JU „Gradski dječiji vrtić“ Zavidovići i odluke Upravnog odbora broj 223/22 od 02.12.2022. godine raspisuje se

K O N K U R S

za izbor i imenovanje direktora JU „Gradski dječiji vrtić“ Zavidovići

I. Predmet javnog konkursa

Raspisuje se javni konkurs za izbor i imenovanje direktora Javne ustanove „Gradski dječiji vrtić“ Zavidovići.

II. Opis pozicije direktora Javne ustanove za predškolski odgoj i obrazovanje

Direktor predškolske ustanove, pored poslova i zadataka predviđenih Zakonom obavlja i slijedeće poslove:

- organizuje i rukovodi odgojno-obrazovnim radom,
- vodi poslovanje predškolske ustanove,
- podnosi Upravnom odboru izvještaj o radu Ustanove,
- zastupa predškolsku ustanovu prema trećim licima i odgovoran je za zakonitost predškolske ustanove. U ostvarivanju prava i obaveza u rukovođenju iz prethodnog stava direktor predškolske ustanove:
- predlaže Upravnom odboru program odgojno-obrazovnog rada i aktivnosti za unapređenje tog rada u okviru godišnjeg programa rada i poduzima odgovarajuće mjere za njihovo provođenje,
- vrši izbor i postavljanje svih ostalih zaposlenika i sa njima zaključuje ugovor o radu odnosno donosi odluku o prestanku ugovora o radu,
- odlučuje o raspoređivanju zaposlenika predškolske ustanove na određene poslove i zadatke,
- prati i usmjerava rad odgajatelja i drugih zaposlenika predškolske ustanove,
- podnosi izvještaj o uspjehu i postignutim rezultatima odgojno-obrazovnog rada, Upravnom odboru osnivaču i Pedagoškom zavodu koji vrši stručni nadzor,
- izvršava odluke Upravnog odbora,
- rukovodi radom Stručnog vijeća,
- vrši ocjenjivanje odgajatelja, njegovatelja i saradnika, kao i drugih zaposlenika Ustanove.
- podnosi Upravnom odboru izvještaj o finansijskom poslovanju Ustanove,
- vrši i druge poslove predviđene u skladu sa Zakonom, Pravilima i drugim propisima predškolske ustanove.

III. Mandat

Direktor ustanove imenuje se na period od četiri (4) godine i može biti ponovo imenovan.

IV. Uvjeti za poziciju

Kandidat mora ispunjavati opće i posebne uvjete.

Opći uvjeti:

- a) da je državljanin BiH,
- b) da je stariji od 18. godina,
- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine od dana objavljivanja konkursa,
- d) da nije pod optužnicom Međunarodnog suda za ratne zločine (član IX 1. Ustava Bosne i Hercegovine),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH,
- f) da nije izabrani zvaničnik nosilac sudskih ili izvršnih funkcija ili savjetnik u smislu Zakona o sukobu interesa u institucijama vlasti u F BiH (Sl. novine F BiH; broj 70/08),
- g) da nije u sukobu interesa u ličnom ili profesionalnom odnosu sa ustanovom u koju aplicira na poziciju direktora,

Posebni uvjeti:

- a) VSS odnosno završen najmanje prvi studijski ciklus, u području predškolskog odgoja, pedagogije, specijalne pedagogije ili psihologije. Izuzetno, za direktora predškolske ustanove može biti imenovan i nastavnik predškolskog odgoja i obrazovanja.
- b) 5 (pet) godina rada u odgojno-obrazovnoj ustanovi na poslovima odgoja i obrazovanja od čega najmanje 2 (dvije) godine na rukovodećim pozicijama,
- c) da nije član Upravnog odbora JU za predškolski odgoj i obrazovanje u kojoj se kandiduje za poziciju direktora u periodu raspisivanja konkursa pa sve do okončanja konkursne procedure,
- d) da naročito se ističe svojim radom u organizaciji odgojno-obrazovne djelatnosti, pedagoškoj teoriji i praksi,
- e) sposobnost za savjesno, odgovorno i odlučno obavljanje upražnjene pozicije,
- f) sposobnost nepristrasnog donošenja odluka,
- g) komunikacijske i organizacijske sposobnosti,
- h) rezultati rada ostvareni tokom poslovne karijere.

Pored općih i posebnih uvjeta kandidat za poziciju direktora JU za predškolski odgoj i obrazovanje je dužan u konkursnoj proceduri priložiti i kraću verziju vizije razvoja Ustanove za naredne 4 godine.

V. Potrebni dokumenti:

Kandidat koji se prijavljuje na poziciju direktora dužan je priložiti sljedeću dokumentaciju :

- a. prijava na konkurs,
- b. kraću biografiju,
- c. uvjerenje o državljanstvu (original ili ovjerenu kopiju ne stariju od tri mjeseca),
- d. Izvod iz matične knjige rođenih,
- e. ovjerenu kopiju diplome- dokaz o završenoj stručnoj spremi,
- f. potvrdu o radnom iskustvu na poslovima odgoja i obrazovanja (Posebni uvjeti: tačka b.),
- g. potvrdu o radnom iskustvu na rukovodećim pozicijama (Posebni uvjeti: tačka b.)
- h. uvjerenje nadležnog organa kojim se dokazuje da naročito se ističe svojim radom u organizaciji odgojno-obrazovne djelatnosti, pedagoškoj teoriji i praksi i
- g. ovjerenu izjavu kojom se dokazuju opći uvjeti (tačke c,d,e,f,g)

VI. Ostale napomene

- Konkurs ostaje otvoren 15 (petnaest) dana od dana posljednjeg objavljivanja a objavit će se u dnevnom listu „Oslobođenje“, „Službenim novinama Federacije Bosne i Hercegovine“, web stranici osnivača i web stranici JU Službe za zapošljavanje Zeničko-dobojskog kantona.
- Nepotpune i neblagovremene prijave neće se razmatrati.
- Postupak konkursne procedure bit će u skladu sa članom 56., 57. i 58. Pravila JU „Gradski dječiji vrtić“ Zavidovići,
- Sa svim kandidatima koji budu ispunjavali uslove konkursa obaviti će se intervju. O terminu intervjua svi kandidati koji budu ispunjavali uslove konkursa će biti blagovremeno obavješteni,
- O odluci o imenovanju direktora Ustanove, u roku od osam dana od donošenja odluke obavještavaju se ostali učesnici konkursa,
- Protiv donesene odluke svaki učesnik konkursa može u roku od osam dana od dana prijema obavijesti pokrenuti postupak kod nadležnog suda.

VII. Prijave na konkurs sa potrebnom dokumentacijom dostaviti lično ili preporučenom poštom na adresu :

JU „GRADSKI DJEČIJI VRTIĆ“ ZAVIDOVIĆI
PRVOMAJSKA 9.
72220 ZAVIDOVIĆI

Na koverti obavezno naznačiti: „Prijava na konkurs za izbor i imenovanje direktora JU
„Gradski dječiji vrtić“ Zavidovići“
- NE OTVARATI -

Predsjednik UO :
Midhat Sinanović